

O'ZBEKISTON RESPUBLIKASI
OLIY VA O'RTA
MAXSUS
TA'LIM VAZIRLIGI



MINISTRY OF HIGHER AND
SECONDARY SPECIALIZED
EDUCATION
REPUBLIC OF UZBEKISTAN

TOSHKENT
KIMYO-TEKNOLOGIYA
INSTITUTI
(TKTI)

TASHKENT
CHEMICAL-TECHNOLOGICAL
INSTITUTE
(TCTI)

2021 yil "17" dekabr

BUYRUQ № 494

Toshkent sh.

**Institutning 2020-yil 10-iyundagi 334-son
buyrug'iga o'zgartirish va qo'shimchalar
kiritish to'g'risida**

Toshkent kimyo-texnologiya institutining 2021-yil 27-noyabrdagi Kengashi qaroriga muvofiq, Toshkent kimyo-texnologiya institutining 2020-yil 10-iyundagi 334-son buyrug'iga o'zgartirish va qo'shimchalar kiritish maqsadida

BUYURAMAN:

1. Toshkent kimyo-texnologiya institutining 2021-yil 27-noyabrdagi Kengashi qarori ijro uchun qabul qilinsin.

2. Toshkent kimyo-texnologiya instituti Rag'batlantirish Kengashi tarkibi 1-ilovaga muvofiq;

Toshkent kimyo-texnologiya institutida o'quv semestri yakuni bo'yicha fanlarni o'zlashtirgan, iqtidorli, jamoat ishlarida faol bo'lgan va ijtimoiy himoyaga muhtoj bo'lgan talabalarni moddiy rag'batlantirish tartibi (yangi tahrirda) 2-ilovaga muvofiq;

Toshkent kimyo-texnologiya institutida moddiy rag'batlantirishga talabgor talabaning o'quv semestri yakuni bo'yicha faoliyatini baholash mezonlari 3-ilovaga muvofiq tasdiqlansin.

3. Toshkent kimyo-texnologiya institutning 2020-yil 10-iyundagi 334-son buyrug'iga 3, 4 va 6-ilovalar o'z kuchini yo'qotga deb hisoblansin.

4. Mazkur buyruqning ijrosi nazoratini o'z zimmamda qoldiraman.

REKTOR



B.Sh.USMONOV

Toshkent kimyo-texnologiya instituti
rektorining 2021-yil "17" dekabrda 494-son
buyrug'iga 1-ilova

**Toshkent kimyo-texnologiya instituti Rag'batlantirish Kengashi
TARKIBI**

T/r	F.I.Sh.	Lavozimi
Rag'batlantirish Kengashi raisi		
1.	Usmonov Botir Shukurullaevich	Rektor
Rag'batlantirish Kengashi raisining birinchi o'rinbosari		
2.	Safarov Toyir Tursunovich	O'quv ishlari bo'yicha prorektor
Rag'batlantirish Kengashi raisining o'rinbosari		
3.	Xasanov Azizbek Baxtiyarovich	Yoshlar masalalari va ma'naviy-ma'rifiy ishlari bo'yicha prorektor
4.	Pulatov Xayrulla Lutfullaevich	Ilmiy ishlari va innovatsiyalar bo'yicha prorektor
Rag'batlantirish Kengashi kotibi		
5.	Ernazarov Davron Javlonbek o'g'li	Yoshlar ittifoqi BT yoshlar yetakchisi
Rag'batlantirish Kengashi a'zolari		
6.	Safarov Yodgorjon Toyirovich	Noorganik moddalar texnologiyasi fakulteti dekani
7.	Abdullayev Alisher Shonazarovich	Yoqilg'i va organik birikmalar kimyoviy texnologiyasi fakulteti dekani
8.	Baltabaev Ulug'bek Narbaevich	Oziq-ovqat mahsulotlari texnologiyasi fakulteti dekani
9.	Abdullaev Umid Kuychievich	Vinochilik texnologiyasi va sanoat uzumchiligi fakulteti dekani
10.	Vapayev Murodjon Dusummatovich	Menejment va kasb ta'limi fakulteti dekani
11.	Qodirov Ulug'bek Ravshanovich	Jismoniy va yuridik shaxslarning murojaatlari bilan ishlash, nazorat va monitoring bo'limi boshlig'i
12.	Xamroqulov G'ofurjon Xolyigitovich	Magistratura bo'limi boshlig'i
13.	Abduraxmonov Abdusattor Qaxxorovich	Xadimlar Kasaba uyushmasi raisi
14.	Yuldasheva Aziza Shuxrat qizi	Talabalar Kengashi raisi
15.	Rajabov Baxtiyor Eshmonovich	Yuristkonsult
16.	Jumanazarov Ma'murjon Baxodir o'g'li	Faol talaba
17.	Tursunboev Otabek Shuxrat o'g'li	Faol talaba
18.	Jaylashova Dilbar Odil qizi	Faol talaba
19.	Bozorova Zarina Isroil qizi	Faol talaba
20.	Qodirxonov Xabibulloxon Fayzulloxon o'g'li	Faol talaba

**Toshkent kimyo-texnologiya institutida o‘quv semestri yakuni bo‘yicha
fanlarni o‘zlashtirayotgan, iqtidorli, jamoat ishlarida faol bo‘lgan va ijtimoiy
himoyaga muhtoj bo‘lgan talabalarni moddiy rag‘batlantirish**

TARTIBI

(yangi tahrirda)

Mazkur tartib, O‘zbekiston Respublikasi Prezidentining 2019-yil 17-iyundagi PQ–4359-sonli “2019/2020 o‘quv yilida O‘zbekiston Respublikasining oliy ta‘lim muassasalariga o‘qishga qabul qilishning davlat buyurtmasi parametrlari to‘g‘risida”gi qarorining 10-bandi, Vazirlar Mahkamasining 2020-yil 31-yanvardagi 59-sonli “Oliy ta‘lim muassasalari talabalariga to‘lanadigan stipendiyalar miqdorlarini belgilash hamda stipendiyalar tayinlash va to‘lash tartibini takomillashtirish to‘g‘risida”gi qarori, Oliy va o‘rta maxsus ta‘lim vazirligining 2020-yil 8-fevraldagi 97-son buyrug‘i hamda mazkur tartibga muvofiq, oliy ta‘lim muassasalarida o‘quv semestri yakuni bo‘yicha fanlarni o‘zlashtirayotgan, iqtidorli, jamoat ishlarida faol bo‘lgan va ijtimoiy himoyaga muhtoj bo‘lgan talabalarni moddiy rag‘batlantirish tartibini belgilaydi.

1-bob. Umumiy qoidalar

1. Mazkur Tartib qoidalari Toshkent kimyo-texnologiya institutining (keyingi o‘rinda – Institut) bakalavriat va magistratura bosqichlarida davlat granti va to‘lov-kontrakt asosida ta‘limning kunduzgi shaklida (ikkinchi mutaxassislik, xalqaro fakultet va xorijiy talabalar bundan mustasno) tahsil olayotgan talabalarga nisbatan qo‘llaniladi.

2. Mazkur Tartibga muvofiq davlat granti va to‘lov-kontrakt asosida tahsil olayotgan talabalar Toshkent kimyo-texnologiya institutining Talabalarni moddiy rag‘batlantirish jamg‘armasi mablag‘lari hisobidan, Toshkent kimyo-texnologiya institutida jamoatchilik asosida tashkil etilgan Rag‘batlantirish kengashi (keyingi o‘rinda - Kengash) qaroriga muvofiq moddiy rag‘batlantiriladi.

3. Moddiy rag‘batlantirish qo‘yidagi hollarda amalga oshiriladi:

– tegishli o‘quv semestri yakuni bo‘yicha barcha fanlar bo‘yicha o‘zlashtirish ko‘rsatkichi faqat “a’lo” baho (reyting ko‘rsatkichi - 86 ball va undan yuqori) bo‘lgan davlat granti va to‘lov-kontrakt asosida ta‘lim olayotgan (stipendiyali yoki stipendiyasiz shaklda ekanligidan qat’iy nazar) talabalarga stipendiyaning bazaviy miqdoriga nisbatan 20 foiz miqdorida ustamalar belgilash orqali;

– tegishli o‘quv semestri yakuni bo‘yicha barcha fanlar bo‘yicha o‘zlashtirish ko‘rsatkichi faqat “a’lo” hamda “a’lo va yaxshi” (fanlarning 30%gacha yaxshi baho tashkil etganda) bo‘lgan, alohida qobiliyat va iqtidor egasi, jamoat ishlarida faol bo‘lgan davlat granti va to‘lov-kontrakt asosida tahsil

olayotgan talabalarga belgilangan stipendiyalar miqdoriga nisbatan 50 foizgacha miqdorda ustamalar belgilash orqali;

– ijtimoiy himoyaga muhtoj bo‘lgan davlat granti va to‘lov-kontrakt asosida tahsil olayotgan talabalarga 50 foizgacha miqdorda ustamalar belgilash orqali;

– davlat granti va to‘lov-kontrakt asosida tahsil olayotgan alohida iqtidorga ega, xalqaro, respublika va oliy ta‘lim muassasasi miqyosida o‘tkazilgan fan olimpiadalari va sport musobaqalarida g‘olib va sovrindor bo‘lgan talabalarga bazaviy stipendiyaga nisbatan 10 baravargacha miqdorda bo‘lgan bir martalik rag‘batlantirish belgilash orqali;

– Toshkent kimyo-texnologiya instituti Kengashi qaroriga muvofiq alohida holatlarda (baxtsiz hodisa, kasalligi, oila-a‘zolarining vafoti, nogironligi, boquvchisini yo‘qotganligi, ijtimoiy himoyaga muxtojligi va boshqa holatlar) davlat granti va to‘lov-kontrakt asosida tahsil olayotgan talabalarga bazaviy stipendiyaga nisbatan 10 baravargacha miqdorda bo‘lgan bir martalik moddiy yordam to‘lovini belgilash orqali.

4. O‘zbekiston Respublikasining ta‘lim muassasalariga o‘qishga qabul qilish bo‘yicha Davlat komissiyasining qarori asosida qo‘shimcha (tabaqalashtirilgan) to‘lov- kontrakt asosida bakalavriat bosqichiga o‘qishga qabul qilingan talabalar qabul qilingan o‘quv yilining ikkinchi semestridan boshlab moddiy qo‘llab- quvvatlanish imtiyoziga ega bo‘ladilar.

5. Toshkent kimyo-texnologiya institutida ikkinchi mutaxassislik bo‘yicha tahsil olayotgan va xorijlik talabalarga mazkur Tartibda belgilangan moddiy rag‘batlantirish tatbiq etilmaydi.

6. Toshkent kimyo-texnologiya institutida tegishli o‘quv semestri yakuni bo‘yicha talabalarni moddiy rag‘batlantirish uchun Rektor tomonidan rahbarlik qilinadigan, dekanatlar, kafedra faollari, Toshkent kimyo-texnologiya institutidagi Yoshlar ittifoqining boshlang‘ich tashkiloti a‘zolari, Talabalar Kengashi a‘zolari, Institut xodimlari Kasaba uyushmasi a‘zolari, jamoat tashkilotlari faollari, yurist va faol talabalardan tashkil topgan Kengash tarkibi tasdiqlanadi.

7. Tegishli o‘quv semestri yakuni bo‘yicha talabalarni moddiy rag‘batlantirish bo‘yicha ishlar Kengash qaroriga muvofiq navbatdagi o‘quv semestrining birinchi o‘n kunligida tashkil etiladi. Zarur hollarda Kengashga o‘quv yili semestrlari oralig‘ida ham moddiy rag‘batlantirish bo‘yicha tegishli qarorlar qabul qilish huquqi beriladi.

8. Mazkur Tartib qoidalari faqatgina tegishli bitta semestr mobaynida tadbiq qilinadi.

2-bob. Moddiy rag‘batlanishga tavsiya etilayotgan talabalarlarga qo‘yiladigan talablar

9. Toshkent kimyo-texnologiya institutida tashkil etilgan Kengash tavsiya etilgan talabalarni moddiy rag‘batlantirish to‘g‘risidagi masalani ko‘rib chiqishda mos ravishda tavsiya etilayotgan talabalarning quyidagi asosiy ko‘rsatkichlarini inobatga oladi:

– tegishli o‘quv semestri yakuni bo‘yicha barcha fanlar bo‘yicha o‘zlatirish ko‘rsatkichi “a’lo” hamda “a’lo va yaxshi” (fanlarning 30% gacha yaxshi baho tashkil etganda) bo‘lishi;

– talabaning oliy ta’lim muassasasi faoliyatidagi ma’naviy- ma’rifiy, jamoat ishlarida va turli yo‘nalishlardagi faol ishtiroki;

– talabaning fan olimpiadalari, tanlovlar va sport musobaqalaridagi (xalqaro, respublika va oliy ta’lim muassasasi miqyosida) natijalari (1, 2, 3 - o‘rinlar);

– talabaning tashkilotchilik va yetakchilik qobiliyatlari;

– talabaning ilmiy va ijodiy faoliyati natijalari;

– talabaning ijtimoiy himoyaga muhtojligi;

– talabaning sog‘lig‘ini tiklash bilan bog‘liq moddiy yetishmovchiligi;

– talabaning oliy ta’lim muassasasida belgilangan ichki tartib- qoidalarga rioya etishi (talabaning oliy ta’lim muassasasida belgilangan ichki tartib- qoidalariga rioya etmaganligi yuzasidan faqat oliy ta’lim muassasasi rektori tomonidan berilgan hayfsan Kengash tomonidan tavsiya etilayotgan talabani moddiy rag‘batlantirishni rad etish uchun asos sifatida qabul qilinadi).

3-bob. Moddiy rag‘batlanishga da’vogar talabalarnilarning xujjatlarini qabul qilish tartibi

10. Moddiy rag‘batlanishga da’vogar talaba tegishli o‘quv semestri yakuni bo‘yicha o‘z fakulteti dekanatiga qo‘yidagi hujjatlarni taqdim etishi zarur:

– Toshkent kimyo-texnologiya instituti rektori nomiga ariza;

– moddiy qo‘llab-quvvatlanishga da’vogar talabaning anketasi;

– “Toshkent kimyo-texnologiya institutida moddiy rag‘batlantirishga da’vogar talabaning o‘quv semestri yakuni bo‘yicha faoliyatini baholash mezonlari”ga muvofiq to‘ldirilgan jadval;

– “Toshkent kimyo-texnologiya institutida moddiy rag‘batlantirishga da’vogar talabaning o‘quv semestri yakuni bo‘yicha faoliyatini baholash mezonlari”da beliglangan barcha yo‘nalishlarda berilgan ustamani asoslovchi xujjatlarning tasdiqlangan nus’halari;

– Talabalar Kengashining tavsiyanomasi;

– fakultet dekanining tavsifnomasi.

11. Moddiy rag‘batlanishga da’vogar talabaning arizasi Toshkent kimyo-texnologiya instituti talabalarni rag‘batlantirish Kengashi tomonidan ko‘rib chiqilishi uchun fakultet dekanati yuqoridagi sanab o‘tilgan hujjatlarni Toshkent kimyo-texnologiya instituti talabalarni rag‘batlantirish Kengashiga taqdim etishi zarur.

4-bob. Moddiy rag‘batlanishga tavsiya etilgan talabalarlarning asosiy ko‘rsatkichlarini baholash mezonlari

12. Tavsiya etilayotgan talabalarning asosiy ko‘rsatkichlarini baholash mezonlari quyidagidardan iborat:

12.1. Talabaning:

– tegishli o‘quv semestri yakuni bo‘yicha barcha fanlar bo‘yicha o‘zlashtirish ko‘rsatkichi – barcha fanlar bo‘yicha o‘zlashtirish ko‘rsatkichi “a’lo” (100%) – 20 foiz ustama;

– tegishli o‘quv semestri yakuni bo‘yicha barcha fanlar bo‘yicha o‘zlashtirish ko‘rsatkichi faqat “a’lo” hamda “a’lo va yaxshi” (fanlarning 30%gacha yaxshi baho tashkil etganda) bo‘lgan, alohida qobiliyat va iqtidor egasi, jamoat ishlarida faol bo‘lgan davlat granti va to‘lov-kontrakt asosida tahsil olayotgan talabalarga –50 foizgacha miqdorda ustama;

12.2. Ma’naviy-ma’rifiy, jamoat ishlarida va turli faoliyatlaridagi faol ishtiroki:

– 5 ta muhim tashabbusning yo‘nalishlari bo‘yicha maktab va mahallalardagi tadbirlarda muntazam ravishda faol ishtiroki uchun – 50 foizgacha ustama (semestr davomida);

– Toshkent kimyo-texnologiya institutida ma’naviyat kuni tadbirlarini mazmunli tashkil etishda muntazam ravishda faol ishtiroki uchun – 50 foizgacha ustama (semestr davomida);

– “Yagonasan, muqaddas Vatan!”, “Talabalar teatr studiyasi”, “Zakovat”, “QVZ”, “Tafakkur sinovlari”, “Zukko kitobxon” tanlovlarida muntazam ravishda faol ishtiroki uchun – 50 foizgacha ustama (semestr davomida);

– xalqaro, respublika va oliy ta’lim muassasasi miqyosida turli sport musobaqalari va ko‘rik-tanlovlarda muntazam ravishda faol ishtiroki uchun – 50 foizgacha ustama (semestr davomida);

– OAVdagi chiqishlari uchun – 50 foizgacha ustama (semestr davomida);

– Yoshlar ittifoqidagi yoki Talabalar Kengashidagi rahbarlik faoliyati uchun (semestr davomida):

Yetakchi/Rais – 50 foiz ustama;

Yetakchi o‘rinbosari /Rais o‘rinbosari – 50 foiz ustama;

Kotib (Matbuot kotibi) – 40 foiz ustama;

Yoshlar ittifoqidagi yoki Talabalar Kengashidagi fakultet raisi/etakhisi hamda yo‘nalish yetakhisi sifatida faoliyati uchun – 30 foiz ustama (semestr davomida);

Talabalar Kengashidagi yoki Yoshlar ittifoqi guruh yetakhisi yoki guruh sardori sifatida faoliyati uchun – 30 foiz ustama (semestr davomida);

talabalar orasida ijtimoiy loyihani shakllantirish va amalga oshirish uchun – 50 foizgacha ustama (semestr davomida).

12.3. Talabaning ilmiy va ijodiy faoliyati natijalari:

– respublika miqyosidagi anjumanlarda 2 maqola va 2 tezislar chop ettirgan bo‘lsa 10 foiz ustama (semestr davomida);

– xalqaro miqyosidagi anjumanlarda 2 maqola va 2 tezislar chop ettirgan bo‘lsa 20 foiz ustama (semestr davomida);

– Oliy attestatsiya komissiyasi ro‘yxatiga kiruvchi mahalliy jurnallarida 2 maqola chop ettirgan bo‘lsa 30 foiz ustama (semestr davomida);

– Oliy attestatsiya komissiyasi tomonidan tan olingan xorijiy jurnallarda 2 maqola chop ettirgan bo‘lsa 40 foiz ustama (semestr davomida);

- “Scopus” va “Web of Science” xalqaro ilmiy bazalariga kiruvchi ilmiy jurnallarda 1 maqola chop ettirgan bo‘lsa 50 foiz ustama (semestr davomida);
- Ixtiro yoki innovatsiyalar uchun mualliflik patenti olgan bo‘lsa 50 foiz ustama (semestr davomida);

12.4. Xalqaro, respublika va oliy ta’lim muassasasi miqyosidagi yakka va jamoaviy tartibda o‘tkazilgan ko‘rik tanlov va konkurslarda sovrinli o‘rin olgan talabalar:

- Yakka tartibda:

- 1-o‘rin uchun – 50 foiz ustama
- 2-o‘rin uchun – 40 foiz ustama
- 3-o‘rin uchun – 30 foiz ustama.

- Jamoaviy tartibda:

- 1-o‘rin uchun – 30 foiz ustama
- 2-o‘rin uchun – 25 foiz ustama
- 3-o‘rin uchun – 20 foiz ustama.

12.5. Ijtimoiy himoyaga muhtojligi:

- kar-soqov va ko‘zi ojiz talaba-yoshlar – 50 foizgacha ustama (semestr davomida);
- chin yetim yoki yetim (otasi yoki onasi vafot etgan) talaba-yoshlar – 50 foizgacha ustama (semestr davomida);
- “Mehribonlik uyi” tarbiyalanuvchisi bo‘lgan talaba-yoshlar – 50 foizgacha ustama (semestr davomida);
- nogironligi mavjud bo‘lgan talaba-yoshlar – 50 foizgacha ustama (semestr davomida);
- otasi yoki onasining I yoki II guruh nogironligi mavjud bo‘lgan talaba-yoshlar – 30 foiz ustama (semestr davomida).

12.6. Talabalarga bir martalik rag‘batlantirish yoki moddiy yordam to‘lovini amalga oshirish uchun asos bo‘lgan alohida hollar:

- Xalqaro va respublika miqyosidagi o‘tkazilgan fan olimpiadalari, tanlovlar va sport musobaqalarida g‘olib bo‘lgan talabalarga bir martalik rag‘batlantirish miqdori:

Yakka tartibda:

- 1-o‘rin uchun – 10 baravar
- 2-o‘rin uchun – 7 baravar
- 3-o‘rin uchun – 5 baravar.

Jamoaviy tartibda

- 1-o‘rin uchun – 6 baravar
- 2-o‘rin uchun – 4 baravar
- 3-o‘rin uchun – 2 baravar

- Toshkent kimyo-texnologiya instituti Kengashi qaroriga muvofiq alohida holatlarda (baxtsiz xodisa, kasalligi, oila-a’zolarining vafoti, nogironligi, boquvchisini yo‘qotganligi, ijtimoiy himoyaga muxtojligi va boshqa holatlar) – 10 baravargacha ustama;

13. Talabalarga tavsiya etiladigan jami ustamalar yig‘indisi 50 foizdan oshmasligi lozim.

5-bob. Moddiy rag‘batlantirishga tavsiya etilayotgan talabalarni saralash

14. Har o‘quv semestri yakunlangan kundan boshlab yangi o‘quv semestri boshlanadigan kundan kechikmagan holda Kengash institutda tahsil olayotgan talabalarni moddiy rag‘batlantirish bo‘yicha o‘z faoliyatini olib borishi lozim.

15. Mazkur muddat oralig'ida barcha guruhlardan dekanatlar tomonidan Kengashga moddiy qo'llab-quvvatlash ko'rsatilishini so'rab talabalar ro'yxati va talabaning avvalgi o'quv semestri davomida faoliyatini aks ettiruvchi hujjatlar jildi ilova qilingan holda murojaatlar Kengash tomonidan tasdiqlangan "Moddiy rag'batlantirishga da'vogar talabaning anketasi"ga muvofiq qabul qilinadi.

16. Keyingi o'quv semestri boshlangunga qadar Kengash tavsiya etilayotgan talabalarga tegishli ko'rsatkichlarini "Moddiy rag'batlantirishga da'vogar talabaning faoliyatini baholash jadvali"ga muvofiq ko'rib chiqadi hamda moddiy rag'batlantirish uchun tavsiya etish bo'yicha qaror qabul qiladi.

17. Kengash talabani moddiy rag'batlantirishga tavsiya etish yoki rad etish huquqiga ega.

Tavsiya etilayotgan talabani moddiy rag'batlantirilishi rad etilgan hollarda, Kengashning tegishli majlisi bayonida uning sabablari ko'rsatiladi.

18. Kengashning moddiy qo'llab-quvvatlashga talabalarni tavsiya etish to'g'risidagi qarori joriy o'quv semestrda haqiqiy hisoblanadi.

19. Kengashning tegishli majlisi bayoni nusxalari uch ish kuni mobaynida Toshkent kimyo-texnologiya instituti rektori tomonidan tasdiqlanadi va tegishli bo'linmalariga (Kadrlar bo'limi, Dekanatlar, Buxgalteriya va boshqalar) ga taqdim etiladi.

Unda ustamalar belgilash va moddiy yordam ko'rsatishga tavsiya etilgan talabalarning ro'yxati ustama foizlari va miqdori ko'rsatilgan holda ilova qilinadi.

Mazkur Tartib asosida taqdim etilgan barcha hujjatlarning to'g'riligi va haqiqiyliigi uchun Institut rektori hamda Kengash a'zolari javobgar hisoblanadi.

20. Kengash tomonidan talabalarni moddiy rag'batlantirish to'g'risidagi qabul qilingan qarorni inobatga olingan holda o'quv semestri yakuniga ko'ra stipendiya tayinlash to'g'risidagi Institut rektorining tegishli buyrug'i rasmiylashtiriladi va o'quv semestrining birinchi oyidan boshlab stipendiya to'lovi hisoblab boriladi.

21. Moddiy rag'batlantirishga da'vogar talabaning tegishli semestr uchun topshirgan anketa va unga ilova qilingan hujjatlar jildi keyingi semestr yakunlari bo'icha rag'batlantirishga da'vogarlik qiladigan holda rag'batlantirish uchun asos deb hisoblanmaydi va mazkur tartib ushbu holda tadbiiq qilinmaydi.

6-bob. Yakuniy qoidalar

22. Mazkur Tartib qoidalariga rioya etilishi, shuningdek, Institut tomonidan moddiy rag'batlantirilgan talabalarning o'quv jarayonidagi ishtiroki, o'zlashtirishi, intizomi va jamoat ishlaridagi ishtiroki ustidan nazorat qilish Institut dekanati va Talabalar Kengashi zimmasiga yuklatiladi.

Toshkent kimyo-texnologiya institutida moddiy rag'batlantirishga da'vogar talabani o'quv semestri yakuni bo'yicha faoliyatini baholash MEZONLARI

20__-20__-o'quv yilining __-semestri

T/r	Mezonlar	Ustama miqdori	Belgilangan ustama	Izoh
I. Moddiy qo'lla-quvvatlanishga da'vogar talabani tegishli o'quv semestri yakuni bo'yicha barcha fanlar bo'yicha o'zlashtirish ko'rsatkichi				
1.	barcha fanlar bo'yicha o'zlashtirish ko'rsatkichi "a'lo" (100%)	20%		
2.	barcha fanlar bo'yicha o'zlashtirish ko'rsatkichi faqat "a'lo" hamda "a'lo va yaxshi" (fanlarning 30%gacha yaxshi baho tashkil etganda) bo'lgan, alohida qobiliyat va iqtidor egasi, jamoat ishlarida faol bo'lganligi	50% gacha		
II. Moddiy qo'llab-quvvatlashga davogar talabani ma'naviy-ma'rifiy, jamoat ishlarida va turli faoliyatlaridagi faol ishtiroki				
3.	5 ta muhim tashabbusning yo'nalishlari bo'yicha maktab va mahallalardagi tadbirlarda muntazam ravishda faol ishtiroki uchun	50% gacha		
4.	institutida ma'naviyat kuni tadbirlarini mazmunli tashkil etishda muntazam ravishda faol ishtiroki uchun	50% gacha		
5.	"Yagonasan, muqaddas Vatan!", "Talabalar teatr studiyasi", "Zakovat", "QVZ", "Tafakkur sinovlari", "Zukko kitobxon" tanlovlarida muntazam ravishda faol ishtiroki uchun	50% gacha		
6.	xalqaro, respublika va oliy ta'lim muassasasi miqyosida turli sport musobaqalari va ko'rik-tanlovlarda muntazam ravishda faol ishtiroki uchun	50% gacha		
7.	OAVdagi chiqishlari uchun	50% gacha		
8.	Yoshlar	Yetakchi/Rais	50%	
9.	ittifoqidagi yoki Talabalar Kengashidagi	Yetakchi o'rinbosari /Rais	50%	

	rahbarlik faoliyati	o‘rinbosari			
10.		Kotib (Matbuot kotibi)	40%		
11.	Yoshlar ittifoqidagi yoki Talabalar Kengashidagi fakultet raisi/yetakchisi hamda yo‘nalish yetakchisi sifatida faoliyati uchun		30%		
12.	Talabalar Kengashidagi yoki Yoshlar ittifoqi guruh yetakchisi yoki guruh sardori sifatida faoliyati uchun		30%		
13.	talabalar orasida ijtimoiy loyihani shakllantirish va amalga oshirish uchun		50% gacha		
III. Moddiy qo‘llab-quvvatlanishga da’vogar talabaning ilmiy va ijodiy faoliyati natijalari					
14.	Scopus bazasiga kiruvchi jurnallarda 1 maqola chop etilgan		50%		
15.	Ixtiro yoki innovatsiyalar uchun mualliflik patenti olgan		50%		
16.	Oliy attestatsiya komissiyasi tomonidan tan olingan xorijiy jurnallarda 2 maqola chop etilgan		40%		
17.	Oliy attestatsiya komissiyasi tomonidan tan olingan mahalliy jurnallarda 2 maqola chop etilgan		30%		
18.	Xalqaro miqyosidagi anjumanlarda 2 maqola va 2 tezislar chop etilgan		20%		
19.	Respublika miqyosidagi anjumanlarda 2 maqola va 2 tezislar chop etilgan		10%		
IV. Moddiy qo‘llab-quvvatlanishga da’vogar talabaning xalqaro, respublika va oliy ta’lim muassasasi miqyosidagi yakka va jamoaviy tartibda o‘tkazilgan ko‘rik tanlov va konkurslarda sovrinli o‘rin olganligi					
20.	Yakka tartibda 1 – o‘rin		50%		
21.	Yakka tartibda 2 – o‘rin		40%		
22.	Yakka tartibda 3 – o‘rin		30%		
23.	Jamoaviy tartibda 1 – o‘rin		30%		
24.	Jamoaviy tartibda 2 – o‘rin		25%		
25.	Jamoaviy tartibda 3 – o‘rin		20%		
V. Moddiy qo‘llab-quvvatlanishga da’vogar talabaning ijtimoiy himoyaga muhtojligi					
26.	kar-soqov va ko‘zi ojiz talaba		50% gacha		
27.	chin yetim yoki yetim (otasi yoki onasi vafot etgan) talaba		50% gacha		
28.	“Mehribonlik uyi” tarbiyalanuvchisi bo‘lgan talaba		50% gacha		
29.	nogironligi mavjud bo‘lgan talaba		50% gacha		
30.	otasi yoki onasining I yoki II guruh nogironligi mavjud bo‘lgan talaba		30%		
VI. Moddiy qo‘llab-quvvatlanishga da’vogar talabaning bir martalik rag‘batlantirish					

yoki moddiy yordam to'lovini amalga oshirilganligi					
31.	Yakka tartibda xalqaro va respublika miqyosidagi o'tkazilgan fan olimpiadalari, tanlovlar va sport musobaqalarida g'olib bo'lgan talabalarga bir martalik rag'batlantirish miqdori	1-o'rin	10 baravar		
		2-o'rin	7 baravar		
		3-o'rin	5 baravar		
32.	Jamoaviy tartibda xalqaro va respublika miqyosidagi o'tkazilgan fan olimpiadalari, tanlovlar va sport musobaqalarida g'olib bo'lgan talabalarga bir martalik rag'batlantirish miqdori	1-o'rin	6 baravar		
		2-o'rin	4 baravar		
		3-o'rin	2 baravar		
33.	Toshkent kimyo-texnologiya instituti Kengashi qaroriga muvofiq alohida holatlarda (baxtsiz xodisa, kasalligi, oila-a'zolarining vafoti, nogironligi, boquvchisini yo'qotganligi, ijtimoiy himoyaga muxtojligi va boshqa holatlar)		10 baravargacha		

**Izoh: Talabalarga tavsiya etiladigan jami ustamalar yig'indisi 50 foizdan oshmasligi lozim.*

Moddiy rag'batlanishga da'vogar talaba umumiy __foiz to'pladi.

Fakultet dekani

F.I.Sh.

Kurs bo'yicha dekan muovini

F.I.Sh.

**Yoshlar Ittifoqi IBT
fakultet yetakchisi**

F.I.Sh.

**Talabalar Kengashi
fakultet Raisi**

F.I.Sh.

Da'vogar talaba

F.I.Sh.